

## OKVIRNI SPORAZUM

### **Za nabavku lož ulja za Javnu Ustanovu Terapijsku zajednicu – Kampus Kantona Sarajevo**

Zaključen između:

1. Javna ustanova Terapijska zajednica Kampus Kantona koju zastupa direktor Kenan Kestendžić,  
Adresa: Iznad sela Kešelji bb, Rakovica;  
ID broj: 4201068160006;  
Tel/fax: 033/635-082 (u daljem tekstu: Ugovorni organ),
2. HIFA-PETROL doo, koju zastupa direktor Hajrudin Ahmetlić,  
Adresa: Hotonj bb, Vogošća  
ID broj: 4200999090005  
Tel/fax: 033/584-370, 033/584-389 (u daljem tekstu: Prodavac),

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama („Službeni glasnik BiH“, broj 39/14) proveo postupak za nabavku i isporuku lož ulja sa ciljem zaključivanja okvirnog sporazuma sa jednim ponuđačem na period od jedne godine;
- da je Ugovorni organ donio Odluku o pokretanju postupka nabavke i isporuke lož ulja broj: 35-06-07-76/17 od 28.08.2017. godine, u skladu sa kojom se zaključuje ovaj okvirni sporazum između Ugovornog organa i dobavljača
- da je dobavljač dostavio ponudu br: JN-2916/17 od 06.09.2017. godine, koja čini sastavni dio ovog okvirnog sporazuma (u daljem tekstu: Ponuda Prodavca)
- obaveza nastaje zaključivanjem pojedinačnih ugovora o javnoj nabavci na osnovu ovog okvirnog sporazuma.

Strane u okvirnom sporazumu sporazumjele su se o sljedećem:

### **PREDMET OKVIRNOG SPORAZUMA**

#### **Član 1.**

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci lož ulja između Ugovornog organa i dobavljača u skladu sa uslovima iz tenderske dokumentacije, ponudom Prodavca, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne za svo vrijeme važenja okvirnog sporazuma.

### **VAŽENJE OKVIRNOG SPORAZUMA**

#### **Član 2.**

Ovaj okvirni sporazum se zaključuje na period od jedne godine, a stupa na snagu danom obostranog potpisivanja.

Tokom perioda važenja ovog okvirnog sporazuma, predviđa se zaključivanje više pojedinačnih ugovora, u zavisnosti od stvarnih potreba Ugovornog organa.

### **OBAVEZE U SLUČAJU NEPLAĆANJA FAKTURE**

#### **Član 3.**

U slučaju neplaćanja ispostavljenih faktura od strane Ugovornog organa, Prodavac se obavezuje da neće obustaviti izvršenje ugovorenih obaveza do pokretanja postupka raskida pojedinačnog ugovora.

## **CIJENE**

### **Član 4.**

Ukupna vrijednost ovog okvirnog sporazuma iznosi 21.538,00 (dvadesetjedna hiljada i petstotina trideset osam) KM (bez PDV-a).

Cijena lož ulja se u toku trajanja okvirnog sporazuma može mijenjati na više ili niže u zavisnosti od kretanja cijene naftnih derivata na svjetskom tržištu, izmjene zakonskih propisa iz oblasti poreza i drugo, te će važiti po cjenovniku dobavljača na dan isporuke lož ulja.

O promjeni cijena lož ulja dobavljač je dužan Ugovornom organu dostaviti OPC obrazac u roku od 24 sati o promjeni cijena.

## **NAČIN I USLOVI ZAKLJUČIVANJA POJEDINAČNIH UGOVORA**

### **Član 5.**

Nakon zaključenja okvirnog sporazuma, kada nastane potreba Ugovornog organa za predmetom nabavke, zaključivati će pojedinačne ugovore o nabavci sa specifikacijama i potrebnim količinama. Pri zaključivanju pojedinačnih ugovora ne mogu se mijenjati bitni uslovi iz ovog okvirnog sporazuma.

### **Član 6.**

Pojedinačni ugovor o nabavci se zaključuje pod uslovima iz ovog okvirnog sporazuma u pogledu predmeta nabavke, cijena, načina i rokova plaćanja i rokova isporuke.

## **NAČIN I ROK PLAĆANJA**

### **Član 7.**

Ugovorni organ će ugovorenu cijenu plaćati dobavljaču u roku od 30 (trideset) dana, od dana prijema fakture, a na osnovu pojedinačnog ugovora o nabavci koji zaključuje Ugovorni organ i Prodavac, u skladu sa ovim okvirnim sporazumom.

## **ROK ISPORUKE**

### **Član 8.**

Prodavac se obavezuje da će izvršiti isporuku lož ulja po dinamici koju određuje Ugovorni organ, a koji će biti definisan pojedinačnim ugovorom o nabavci, u skladu sa ovim okvirnim sporazumom.

## **OBAVEZA PRODAVCA**

### **Član 9.**

Prodavac se obavezuje da isporuka lož ulja mora odgovarati kvalitetu usklađenosti prema Certifikatima o kvaliteti tečnih, naftnih goriva shodno parametrima u priloženim certifikatima o kvalitetu. Prodavac preuzima potpunu odgovornost za kvalitet robe na osnovu pojedinačnog ugovora o nabavci, koji zaključuje Ugovorni organ i Prodavac, a u skladu sa ovim okvirnim sporazumom.

## **VIŠA SILA**

### **Član 10.**

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane

pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl. Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti i dostaviti odgovarajuće dokaze.

#### POSEBNE I ZAVRŠNE ODREDBE

##### Član 11.

Za sve što nije regulisano ovim okvirnim sporazumom primjenjivat će se odredbe zakona koji regulišu obligacione odnose, kao i drugi propisi koji regulišu ovu materiju.

##### Član 13.

Sve sporove koji proisteknu u realizaciji ovog okvirnog sporazuma strane u ovom okvirnom sporazumu će rješavati sporazumno.

U slučaju da sporazum nije moguć, spor će rješavati nadležni sud u Sarajevu.

##### Član 14.

Ovaj okvirni sporazum je zaključen u 4 (četiri) istovjetna primjerka od kojih po 2 (dva) pripadaju svakoj strani u okvirnom sporazumu.

NARUČILAC:

Javna Ustanova Terapijska zajednica

Kampus Kantona Sarajevo

Direktor Kenan Kestendžić

Broj: 35-06-07-76/17-8

Datum: 21.09.2017. godine

DOBAVLJAČ:



Direktor Hajrudin Ahmetlić

Broj: 1815/17

Datum: 21.09.2017.